

靜

厓

詩

續

稿

自壬子歲抱病還里門將有終焉之志越七年
今天子親政

特命與修

純廟實錄趨赴史館兩載之間

恩施稠疊會第二分書成乃引疾陳乞得

旨俞允歸而錄詩若干首為續稿後有所作以次列焉
歐陽子有云足知榮寵為虛名誇彼田夫野老而已三
復斯言能無慙然嘉慶七年仲春朔汪學金靜厓氏書
於春浮禪室

靜厓詩續稿目錄

卷一

古今體一百二十五首

己未五月盡
庚申八月

卷二

古今體九十八首

庚申九月盡
辛酉四月

卷三

古今體八十五首

辛酉四月
盡十二月

卷四

古今體八十三首

壬戌正月
盡六月

卷五

古今體六十三首

壬戌七月
盡十二月

卷六

古今體三十六首

癸亥正月
盡二月

靜厓詩續稿卷一



鎮洋 汪學金 敬箴

古今體一百二十五首

已未五月盡
庚申八月

已未五月十七日

恩命名赴史館即日就道留別同學諸子二首

泰運羣才慶彙征重噓枯朽到鰥生 國恩惟有操觚

報

君命曾無俟駕行鳩補故巢憐性拙鶴支新俸覺心驚
草堂幸免移文勒處士當年未借名

滄江蹤跡共苔岑香火因緣宿世深
丹學十年難脫骨
素交諸子已捫心
益從直諫多聞得
樂在簞瓢陋巷尋
知我不渝松菊約
煩君好護竹梧陰

舟過錫山留別嵇籬浦同年

我歸婁水君僑寓
君返梁溪我俶行
離合萍蹤良有數
去留旣繫若為情
雲飛江上孤帆駛
泉蓄山中一勺清
饒是謝公絲竹興
優游何以慰蒼生

夜渡揚子江

赴
召趣嚴程宵分掛席行
風濤寒六月星斗濕三更

作楫才焉濟乘槎意漫驚中流愧漁父垂釣不知名

高郵道中見新月

只有江南月多情解送人綿綿依遠道黯黯向前津
甃社湖邊彩秦郵水上塵流光未盈手客思為誰新

趙北口旅次題壁

烟柳風槐望漸深水村山郭感難禁重為趙北騎驢客
竟負淞南挹犢心一寸葵忱傾午日十分桑意待時霖
臨流瞥見鬚眉影斗覺浮埃暗裏侵

七月二十日赴

實錄館敬述

憶別承明已十霜 詔開天祿許隨行 拈觴一飽蓬池

味老眼重明 壁府光花管 乞靈慙舊史 竹書和淚紀

先皇郎君官貴交情重 已賦緇衣適館章

東甫院長以舊第假居

為石君師題梅石觀生圖小照

帝臺五色冠雲根 作鎮飛霞古洞門 無始氤氲通一氣

功成不見補天痕

寂然花意豈知春 一笑拈成頃刻身 冰雪神人競姑射
色香原不墮根塵

一卷山體靜而虛數點天心發育初太極門頭竒耦出
紫皇親判赤文書

吉祥檀熾萬笙簧嶰谷音調雙鳳凰薦地花飛已無迹
歸來天上擣元霜

元霜煉就勸君嘗一匕刀圭換骨方梅子生仁融石髓
珠胎新浴翠瓔房

秋河耿耿望匏瓜一片支機萬里槎夢到蓬萊香雪海
玉真宮裏見金霞

白髭紅頰寫雲藍彈指前因對鏡龕石縱欲言花不語

盡禪三昧更誰參

是梅是石兩高寒非石非梅著相難若說無生真實際
三生都付六如觀

送馮玉圃給諫南歸二首

我已十年狎鷗鳥君今八月憶鱸魚
竟投豹尾雞翹筆
去讀金庭玉柱書
指數巢痕留館閣
商量家計到樵漁
臨歧別有寒山約
夜半聽鐘萬想除

邯鄲枕破夢云何報
國文章志不磨
鐵板銅琶譜鏡
吹茅簷竹簟說
鑾坡石湖詩更歸田
好笠澤書從泛

宅多著述名山真作手笑余杜口病維摩

送方葆岩同年參畫陝西軍幕二首

生平肝膽豁千夫忠孝承家貲秘樞

命下牙璋馳

驟耳兆先繡祿出於菟

連日有得子
抱孫之喜

元戎揖讓軍諮重

諸將調和敵愾孚杖杜勞還歌燕喜一堂令壽弄雙雛
廿年結契關心密兩月過從握手歡世態漸知翻覆易
客蹤更覺去留難春風芍藥何堪贈晚節茱萸各自看
憑仗隴山鸚鵡舌朝朝傳語報平安

賀朱蘭實入泮

石君
師孫

天衢驤首見龍媒
聲價初高郭隗臺
家學遠承繩武志
泮英先著獻功才
松筠節苦恩難報
芹藻香清善自培
愛子青青好衿佩
秋風更賦鹿鳴來

十二月二十九日

太廟祫祭雪中侍班禮成恭紀

六花飛灑點衣輕

廟薦精虔鉅典行
鱗舞虬松雙闕迴
音飄鳳竹九霄清
頭銜近日冰增采
腰佩當風玉有聲
珥筆侍臣書上
瑞綏豐知已慰

皇情

庚申元旦試筆和石君師韻

自捧徵書詣闕來鳳城歲籥啓春闕

珠邱展駕

皇心切

是日啓各官齊集

朝陽門外送鑒恭謁

裕陵駕

玉壘銷兵

帝畧恢忝與講班清曉集勤趨史局翼朝開

次日開館

樞衣

久許窺東閣聽履重教拂上台

偶於博兒案頭見同塾諸子送行詩冊次韻寄懷

退朝初散紫宸班閒話淮南大小山宦跡隨人偏未掃

友聲於我最相關香花幽閣同龕住燈月長街隔巷還
今日軟紅重插脚碧雲仙侶阻追攀

青驪一逝不留行屢問生涯苦未明世味薄如嘗魯酒
鄉情深比戀吳羹衝冰北上愁魚信帶雪南飛羨雁程
珍重老松和樺竹歸根共葆歲寒盟

疊前韻寄家人

白髮來趨侍從班獨留隻鶴守家山讓渠淨業依初地
笑我清齋破八關橋叟容身他日隱梅仙喚夢幾時還
緌笻何處傳消息瑤海漫漫竟莫攀

謂瑤華子也

呼兒踏鼓緩扶行雪後天街徹曙明闕下同聽蓮漏箭
堂前猶憶芋魁羹國兒在南有緣未斷朝元路此出終紆辨
道程寄語龐家諸眷屬團圞話裏證前盟

立春前一日鮑雅堂郎中招同梁昌祿孝廉小飲
寓齋出示人日詩因和韻奉簡

十年兩髻霜花增東君有約束朝仍老禪心空比槁木
脫然持偈叅南能世緣未了苦逼迫芒鞋又踏滹沱冰
蕭條蟄戶少車轍憲雪半夜昏龕燈出逢冠蓋貌恭敬
自顧衰醜呼羞謦謀居佚老就弱息小隣申契親良朋

先春酌我京口酒破寒據座澆三升得失笑指塞翁馬
高卑戲論莊生鵬仰天浮白各傾倒狂奴故態誰能憎
稽山公子最卓犖蕭雲駿足將雄騰曩時東堂侍風月
聲價爭託龍門膺才名喜見烏巷舊儒素耐守青氊怕
醉翁賓客幾星散我對季默情難勝

昌祿為文
定公少子

參軍俊

逸羣儕輩二十作賦霞標蒸琴徽流水久聞寂已分鸞
鶴隨孫登慎勿戚戚抱幽憤眼中崇替紛相乘膏明自
煎古有戒那更沒世希名稱江南早梅動歸思相從行
脚扶紅藤請為詩人熾綺語妙音徧界宣迦陵

內子以小園梅朶初放用國兒韻見寄次韻答之
碧山點破石苔皴獨咏花前悄影神十載結成雲壑伴
三生修到雪龕親玉華注籍緣終在錦字傳書思轉新
日暮天寒招隱意歸心決向五湖濱

法時帆祭酒偕蔡鐵華姚秋農兩太史從書局過
余並邀雅堂郎中小集翦燭論詩而罷翼日惠詩

三章次韻奉酬

和平愛友聲齷齪鄙交態從來應求理自有性情在以
詩酬酢之六義本諸內惜哉正始淪雕飾踵鉛黛十年

坐空山叩我兀不對諒非食肉相真味蓀菽菜鍾期未
可逢逡巡抱琴退

朝登金馬門旦集石渠閣誰知山澤臞性弗違邱壑春
茲素心友惠然莫我却過從有比隣斗酒聊為樂人生
天地間萍水偶相著曠懷古之人既往不可作東園桃
李花來踐春風約

云何居士龕乃是詩人屋殘雪未開門清吟出深竹天
生豫章材培養成大木曹劉及沈宋上下同追逐小言
薄郊島餘興凌坡谷終當禮詩龕

時帆顏其
居曰詩龕
奉此一辦

馥許我作禪語解道梅子熟

家塾諸子以坡公生日用集中和秦太虛梅花韻
見寄補和一首

頂上三花常不槁醉踏連鰲玉山倒渴吻思吞東海流
狂呼那管龍公惱莫釐花光八百里年年破臘南枝早
家人酌酒勸髯仙更出新篇鬪妍好我來燕谷太蕭索
只有閒庭雪未掃苦憶江南驛使書書來却道青陽老
已憐閱世墮空華始悔出山成小草由來行止詎可知
一笑浮生付蒼昊

和曹玉水內弟除夕婁東寄懷韻

玉水為贈副都御史劍亭先生

子令

愛君努力承忠孝手植松楸表歲寒

旌直已知重壤

慰象賢無間六親歡田園情話婁孥共風雪羈愁節序
闌多謝尺書知我意為傳消息到長安

春雪

寂悶青春苦憶家東風揉雪當飛花夜來醉夢烟濤濶
萬片江梅照玉沙

送趙介山殿撰奉使中山

龍飛龍首捧龍章坐擁龍驤萬里航星斗遙臨天北極
蓬瀛宛在水中央受封國主迎芝蓋告祭川靈格寶香
特命致祭
天后之神還闕早承宣室對從知威德播遐荒

送李墨莊舍人奉使中山即和紀恩韻二首

槎客乘風汗漫遊飄然何異狎沙鷗
息鵬六月心嘲鷄乳虎三朝氣食牛
生時有夢
虎之異島嶼滌洄臨絕域乾坤軒
豁入虛舟看君火色鳶肩貴五十功名似馬周

綸閣文章白舍人手持龍節問波臣
詩成海市奇無敵筆灑天吳捷有神
歸橐千金嗤使職賜衣一品記仙

因南溟咫尺通霄漢引領占星指北辰

晚晴見新月戲簡雅堂

楊柳梢頭卷碧雲幽局無語對爐熏知君今夜還家夢
恰看揚州月二分

青蛾白髮暗相驚豈有枯禪滅更生四十年前初月賦

料應不減舊風情

雅堂有初月賦傳誦江左其少作也

新晴即事

屋角新晴雀舌譁陌頭已鬧冶游車及春烟景思酬句
垂老風情待看花作客又逢寒食近懷人頻送夕陽賒

石泉槐火僧窓夢漫說頭綱學士茶

雅堂既和二絕句復以丁巳新月舊作見示因和

韻奉簡

紫薇同直夜湖月踏芳春月影澄明鏡湖光爛濕銀一

番經魄蝕

乙未上元後一夕與雅堂同至昆明湖玩月更餘月食各有詩

幾度寄眉顰

邂逅重三節蹉跎半百身年華愁逝水世事悟流塵若
指禪心認推君慧業人

賢良寺

賢王能捨宅 賜寺表佳名風急塔鈴語春深齋磬清

虛空原不壞，真實是無生。耆宿今何在，花禪亦有情。

寒食賢良寺飯齋分韻得心字

十年饌伊蒲，齋口非齋心。況為肉食者，鄙哉愧難禁。何期續清緣，僦屋依禪林。耳門具功德，梵唄流餘音。今晨遇寒食，料峭淒風侵。出游興不果，近步堪幽尋。飯鐘打未罷，闍黎意殊深。蔬食亦云飽，苦薺時相斟。逢師參玉版，結念春山岑。

贈燕

莫傍春明客，巢痕掃便空。江南門巷在，尋汝主人翁。

清明後一夕雅堂郎中座上
和時帆祭酒韻

與君塵海豁雙眸
跌宕詩篇劇破愁
紅粉夢空持鉢院
白衣緣在聽鐘樓
偶聯舊雨傾三雅
底羨新煙散五侯
絕似春江花月夜
未應薄宦阻佳游

三月十五夜月却寄

令人和悅照人妍
月最多情春可憐
海上遙知千里共
天涯已見十回圓
種桃夢醒元都客
擣藥功勤絳闕仙
却憶炷香趺坐罷
夜深清影繞花前

雅堂席上分韻得又字
是日令子出佳文見示即

此為贈

江南鮑夫子一家萃才秀相知三十載託契比親舊子
姓成通門提攜到童幼伯也卓犖姿潛光氣深厚壯懷
擁書城健筆輾詞囿心精洞幽微骨力露堅瘦卮言恥
聲悅觚義陋釘筮示我冰雪文洗眼詫竒觀天然出機
杆懸解絕師授阿翁亦所然清聲繼鸞鸞張君相門彥
兩美此其又磨礱締石交薰淑襲蘭臭吾衰謝文字瘖
鐘杜撞扣偶焉寄心賞俗耳笑悠繆 帝京富人物才
士競輻輳要期根柢固匪直枝葉茂 明堂亟棟梁杞

梓培養就一朝遇工師軒昂架雲構鄙言當噉矢揚
為翁壽

蓮士少農宅看花雜述五絕句

尺五天邊異樣花細指病眼閱春華合離蹤跡花前數

兩度僧堂去喫茶

壬子相別已未
重晤皆在僧寺

衣香履迹接青冥偶勘山家種樹經記取東風傳好語

明年花下抱雙丁

手植丁香
花二株

劉郎老問觀中栽潘令新看縣裏開一例坐花花不管

閒忙誰是為花來

時有惺明
府在座

青月言集卷一
沉沉鈴索海棠廳曉夢猶傳刻漏聲為報洗兵三日雨
遙知紅濕錦官城

千紅萬紫是邪非歷亂隨風上下飛此地若逢殷七七
現身頃刻指仙機

四月朔午至賢良寺遲雅堂不至

日涉耽幽趣春闌惜倦游
萬紅銷薄霧衰白付浮漚
出世本非易磨官殊未休
遲君成小住領畧午風柔

崇效寺看花作

當年養痾處問訊舊雲龕
茶夢尋僧熟花禪許客參
老

懷三宿戀初味再來諳彈指成今昔聊為物外談

雅堂惠諸葛菜戲詠一律

南陽廬畔認依稀想見先生食庶幾豈為大名垂宇宙
也容小草借光輝閉門種後英雄老遺壘生時事業非
一飽腐儒頻起舞蜀山喜聽捷書飛

適聞蜀中大捷

同鮑雅堂法時帆朱習之陳聞之及博兒同游栢
林寺見啓元上人扇頭有成侍郎和坡公送參寥
師韻一首亦用其韻

不須問云何各自知煖冷定中露虛白春葩發荅穎曹

溪留一燈萬古列宿炳後來德山棒苦為沈情警從知
安心法不在塵勞屏諸妄苟未息兀坐意先騁居士語

比丘少小共鄉井

啓元潤州人與雅堂同鄉幼不識字誦法華經二十餘年遂通曉文義

廿年轉法華服子精力猛但恐文字縛疾走豈離影巾
拂豎虛空敗此一念靜何如以默酬中有無盡境徐徐
花到地稍稍月生嶺曠觀理自如寂照趣方永我聞亦
囂然饒舌黃鸝請

四月五日從

天壇至崇效寺同石君師劉金門

學士趙謙士少僕朱少河孝廉晚齋僧堂再用前

韻

花開下成蹊一落屐齒冷幽懷殊不然餘芳辨潛穎高
範仰裴休清言印宗炳維時舉雩祀卿僚備蹕警公
餘半日閒物外萬緣屏喧寂遞乘除與曠兼游騁輿儻
就荒寮庖湑出甘井密雲自西郊奈此蜚廉猛長廊急
鈴語孤標亂旂影何當霏雨花妙轉法輪靜茶烟一刹
那燕坐諸天境眷言古袞袞付囑青溝嶺劫風吹不滅
歲月盡禪永

寺中藏朴公
青松紅杏圖

山門留帶因他年謝朝請

四月八日賢良寺禮南海懺有述

招提絕塵境曉磬出花林欲叩聞思義來聆禪誦音非
人新沐體無我普熏心更乞楊枝灑枯荑亟待霖

送春寄示家人

又送長安陌上春百年緣業六時塵指非指處微窺道
材不材間善置身勘破鶯花看已懶印殘鴻雪認休真
杖頭錢乏何勞問風月盈囊未算貧

南信念及客囊
故答之如是

時帆招游極樂寺

在西直門外

僕本江湖人無水慘不樂僦居堀堞中困若鮒在涸先
生知我意招攜出西郭宴坐祇樹林溪毛薦芳酌既飽

復何為散步轉叢薄雲停綠正歇風定紅猶落迴碧瀉
彎環平隄跨橫約異境拓蓬瀛倒影見樓閣烟景蕩虛
明神心軼寥廓歸詠各翛然幽懷隨所託參差白衿衣
宛如松際鶴遙知今夕夢尋我藏舟壑一葦淼滄波狂
歌岸青箬

鄒蓮浦虞部招飲紫藤花下分韻得詠字

尋花徧招提流連反夏孟蔬梓與茗鉢舌本太苦硬竭
來折簡呼雅會續觴詠入門紫瓔珞髣髴珠宮淨長安
久不雨百卉悴而病茲花特豐艷頗遂沃若性得非灌

溉功實妙回斡柄花下陳廣筵變色厨饌盛四座迭勸
酬主賓申愛敬羣公雅輪扶餘子才鋒競飛騰兼綺麗
結習矜豪橫握蘭本懷湘贈芍未刪鄭總持風騷力要
在志行正眼前花三昧澹寂入無諍於此小休歇亦云
了究竟方今 宵旰勞

天子仁且聖深宮念雲漢 詔旨切憂恟禮臣告齋宿
精虔事禱崇崇朝有渰興膏澤慰農慶尚聞秦蜀郊殄
戮稽集獍流離積瘡痍無術活民命凡百凜風愆夙夜
共箴儆勉旃答 勤思用以裨庶政作詩戒無荒三爵

遠酣營

金鄉縣漢平狄將軍扶溝侯朱鮪石室壁像中一人神似偃師武虛谷黃易貌以寄武其子索題句為書一絕

虛谷名億宰博山有廉直聲以忤要路罷官會薦起召用已下世矣

誰將石室擬雲臺曠代英姿見異才若更衣冠貌廉吏君恩應及子孫來

題石君師雪晴獨立圖小照三首

天地陽和滿悠然獨立時熙怡春杖履端整古須眉舉念自憂樂忘言何慮思但看松柏性凜凜歲寒姿

言終禾
圓澤三生石長源一品衣離梅無伴侶看鶴各翀飛
息踵搏純氣行庭杜德機天倪虛白見觀化入希微
前後際俱忘天花妙道場識空田白淨願大海蒼茫不
落聲聞界同圓相好光從師問無住立脚是何方

閏四月三日喜雨作

畢月占何驗

朔旦月離於畢是夕子刻乃雨

雲霓望竟蘇天心無不愛

帝德自相孚盈缶崇朝徧傾瓢半夜輸佇聞洗兵馬醉
舞杜陵夫

喜雨歌和石君師韻

明良一德賡載歌泰交堂陞陰陽和以人事 君宏吐

握既得而語如聚沙元老嘉謨信著蔡 天心深沃洋

恩波古之求雨戒失職此而不雨理則那雲興龍屬作

霖應點滴悉數摩醯羅夜如何其澤下尺朝濟蒼蔚欣

蓬科 詔書深厚意惻怛感浹膚髓奚煩多勉旃吏能

善撫字疇體此意師郭駝豈惟歡聲動畿輔要使梗化

消潼沱卿僚表賀寓規頌焉用諧謫工勒瑳

漢書古今人表作唐

瑳勒景 自慙衰朽旅進退瞻仰 閭闔行嬖娒河干詩人

素餐誚昇平畊鑿甘巖阿願公一笑置瓦缶更為清

廟登雌犧

閏夏十二日邀鮑雅堂吳穀人法時帆郭厚葵過
寓小集分韻得寒字

花事蹉跎過藥欄一尊婪尾為君歡編年蹤跡留叢藁
銷夏光陰寄散官陶醉幾曾殊屈醒韓豪底肯薄郊寒
鄉書誇我莼絲美未必秋風掛席難

近接家書極言今年吳江莼菜之美

和內子食蓴有懷仍用坡公韻見寄之作

天風吹客如飄葉半帶泥沙嚼野蕨書來示我冰雪詞
為報蓴絲繞是滑遙憶江南櫻筍厨玉色醅開味清粹

垂虹亭畔放船迴
鮫妾珠綃拖一抹
華池涼潤吸雲露
兩腋習習輕蜩甲
應笑長安肉食夫
鄙哉猶問牛羊茁
明年決計下五湖
團圞公案龐家說
買春茆屋苦無錢
還須典汝雙條脫

法時帆獨直史館以詩見督戲和其韻答之

居士縛枯禪漸欲廢
文字去年徵書來慙沮
床下避敢以伏櫪姿
載驟皇華轡請從壁上
觀甚囂爭赤幟吾衰
氣難振已乏喜獵思
借問南郵輶何如北
窓睡却憶詩龕老閉
戶六經醉午夢蠡排
衙夜枕蛙鼓吹逍遙
大鵬

息怒蓄搏風意日直著作廬丹鉛不辭勩視影過八轍
遲我懶未至投詩相督責飽食問奚事豈知不材木無
用得真秘君領蓬山籍容我充散吏游戲蘭茗中翩翩
學翡翠

五月朔

恩賜紗葛恭紀

天子宵衣問漏頻朝來傳賜到詞臣拈將疊雪含風句
披向蓑烟笠雨身六月甲兵師已老三吳杼袖戶全貧
迂儒尺寸慙無補感被恩私淚滿巾

初二日

上御乾清門聽政雨中侍班恭紀

徹宵甘澍曉猶零
閭闔初開步輦停
縱使陞郎愁雨
立歡聲知已徧郊垌

和石君師後喜雨歌

有酒有酒胡不歌
一雨再雨元氣和
云何致此繁天賜
坐令千里無揚沙
青疇潏眼溝水活
秧鍼已刺汪汪波
轉移枯焦發茂悅
時化乃在一刹那
昨朝

北郊舉大祀期門羽衛星周羅
小臣當直班侍從

月朔夏至

方澤大祀臣學
金以講官侍班

整潔冠珮防糾科仰瞻

天容默孚格匪假祝史辭紛多族雲行將起石燕衝颺
不復鳴沙馳將帥騰捷接隴蜀岳牧報澤連漳沱載筆
紀實臣所職金壺浥潤光鮮瑳紫蒲綠艾好時節都人
士女歡婆娑况聞輶車出 詔使菁莪四國揚陵阿修
文偃武甲兵洗飲至歸酌明堂犧

五日雅堂過寓留飲

比隣饋問也須忙草草蔬盤待共嘗兩髻星霜談入洛
一樽風雨酌沈湘難求世外菖蒲節苦憶林間華撥香

已道猶醒不如醉怪君猶怕醉時狂

用前韻柬雅堂

應官畢竟有何忙半日清閒味許嘗步屨從君游鄂杜

畫圖為我寫瀟湘

近屬顧弢菴為于寫水竹便面

涼分槐寺雲光活綠

到莎庭雨意香聞道芳菲滿籬落料應未減戴花狂

聞室

中藝時
卉頗盛

題吳雲樵侍讀詩稿兼送奉使入蜀

一生心力劍南翁雲錦裁成七字工今日看山擁高傳

騎驟細雨覓詩同

漁洋才調本天成烟月難銷綺麗情蜀道歸來詩格變
句奇語重筆縱橫

題文信國琴圖和石君師韻

琴為閩縣李瓊宴所藏刻松風一榻雨瀟瀟萬
里封疆不寂寥獨坐瑤琴遺世慮君恩猶恐壯
懷消時景炎元年蒙恩遣問名入夜宿青原寺
感懷之作譜於琴中識之文山凡五十有六字
海波滔天精衛哀豈飈掀軸圯斗台千秋碧血照柴市
西臺慟哭魂歸來景炎元年聞召至封疆萬里圖雄恢

青原夜宿譜幽操風雨颯沓寒林摧閭關奔竄出九死
于飛垂翼明夷灾南冠拘囚琴在御一揮怒鬱青天雷
趙宋養士重士節忌者往往爭喧豕猖狂掎擊變黑白
儒林道學成黨魁先生後起殿殘局凜凜正氣無低徊
男兒讀書不負國功名何必圖雲臺人琴餘痛五百載
歎歎欲酌黃金壘三綱未淪賴有此勿以成敗疑生才
博兒典試粵西啓行以詩送之

三世司文枋一家承 主恩吾衰慙報 國汝壯勉為
孫行役能無念貽謀庶勿諼蒐材顯巖穴努力事輶軒

地僻將迎少程寬
頓宿徐嫌渠科第
易慎此簡書初靡
及懷周道遄歸慰
倚閭嶺頭桂香發
報我信何如

送方葆巖陳臬山東兼寄戴可亭學使

中臺峻表肅霜旻
繡斧東行繼舊勲
半載相思秦隴月
崇朝共望泰山雲
從軍績苦應將母
濟世才難合讓君
星使雙占香案吏
琅文玉律典司勤

曹玉水內弟二十初度贈言次石君師韻

石倉奕葉清芬在
遺直堂堂帝所嘉
有子讀書傳舊德
及時努力愛春華
儒珍閣蓄連城璧
經訓勤收三歲

畬它日即家求故笏床頭奇氣鬱青霞

史館午歸即事

夾城槐柳綠冥濛太液芙渠照眼紅
曉直愛臨西苑水午眠快受北窓風
學蟬擇蔭身難蛻看蟻移窠夢未空
輸與家人銷夏好棹船來往月明中

拈花寺達長老乾隆庚子冬封闡教禪師學金承
撰制勅就詢事蹟獲拜方丈今已二十一年矣
重過茲寺瞻禮遺像因題一絕句記之

重到山門記舊緣曾參尊宿廿年前
影堂若悟拈花意

領取他年文字禪

○六月初九為李西涯先生生日法時帆祭酒招同
鮑雅堂郎中謝薌泉侍御趙味辛舍人張船山檢
討周西麋明經集詩龕作禮分韻得意字

詩龕無定相圖者各以意

出示詩龕
圖十餘幀

詩龕無常住居者

隨所寄龕中老祭酒尚友重風義聞君有舊廬云是西
涯地曠世忽相感風雅託深誼維茲覽揆辰明水潔芳
饌陳迹一俛仰巢痕掃難記誰知敦好懷苔岑罕同異
招要堅夙約嚮往聚朋類入室薦荷馨當簷舞槐翠油

雲貯午涼清緣信天昇讀畫獲創觀評史覈遺事前明
武宗朝國是等兒戲闔豎竊魁柄跋扈覲神器惜哉三
輔臣一朝去其二相送出都門茶陵徒掩淚心跡嫌疑
間時論遂軒輊甚乃詆黨附豈副文正謚君獨曰否否
留者大不易委蛇濟時變心苦力彌摯嚮使慕高蹈匡
扶更誰冀煌煌發鴻文表章匪阿比要之平情論殊塗
實一致李公亦清流劉謝未可議悠悠思古情切切景
行志宿草動秋風驅車訪幽隧

同人有修復
遺墓之議

十七日

名對乾清宮恭紀

清癯一東水雲骸斫鱸蓮池豈本懷
留得黃蘗真福分
君王前席問長齋

謝薌泉席上賦迎秋次雅堂韻

寥泬偏宜秋士心迎秋只為愛秋深
酒卮潤裏幽花色
詩墨濃分老樹陰
北斗清光揮手接
西山爽氣洗眸侵
匆匆催踏天街鼓
婪暑難消襦襖襟

立秋東謝雅堂送荷

故人遺我花兼實
千里烟波想涉江
夢醒依然身是客

秋風秋雨打西窓

驛柳四首和遂寧張船山韻

癡煞行人愛晚晴長郵累汝費將迎道旁閱盡勞生跡
塞外傳來戍別聲慘綠梳風明蘸水昏黃籠月暗窺城
只緣一夕聽笳淚搖落征南萬馬營

昔日風光記染衣而今憔悴減腰圍笑渠也為磨官苦
祝爾還須送我歸陌上纏綿絲密綰天涯飄泊絮狂飛
何如移向門前種栗里先生老可依

當門殘卒卧斜陽生小何曾識故鄉此樹婆娑同歲月

幾人攀折隔星霜
草驢蓆帽傷千里
寶馬香車鬧一場
正是關河凝睇處
雁書遮斷不成行

經年烽火接巴州
回首家山一段愁
送客眼看青旂擁
傳誤人頭白覓封侯
淒涼影亂聞雞舞
蕭瑟聲添飲馬流
試向勞勞亭畔望
烟條雨葉不勝秋

雅堂來札有似病非病
學道不專之語用前韻戲簡

法門無法可安心
解脫工夫得力深
今世不離生老病
明朝誰料雨晴陰
修羅入藕瞋方歇
居士沾花障又侵

莫便秋來增客感一樽聊與滌煩襟

為時帆題江秋史侍御所寫詩龕圖遺卷

霓裳同日詠羣仙綵筆空留一夢緣誰向龕中重說法
畫禪參破更詩禪

題紈扇

天然潔白擬秋霜助引薰風殿閣涼但願一揮煩暑盡
承恩最是篋中藏

李青琅招飲分韻得十字是日與雅堂遲至

詰朝食指動華筵喜招集好事多繆誤旦會晡何及那

知東隣翁覆轍相蹈襲聯翩觸熱來喘汗馬櫪急入門
衆賓笑主人猶拱揖咄嗟郇家厨絡繹竟辦給登拌魚
去乙堆按餅圻十殘盃與冷炙豪士詎羞澀譬如倦飛
鳥相就啄餘粒又如涸處魚相憐响微濕人生天壤間
仰取俯可拾請味知足言嗜進毋汲汲

夜雨有感

空堂一夜雨似與幽人語病骨最分明冰簟涼如許
一滴一羈心窓燈影漸沈何時茅屋底機杼伴秋吟
怕說海潮頭連綿不肯休明朝寄書去問訊木棉裘

蹶馬惜障泥行人過大隄遙知聽雨夜已隔楚雲西

七夕招鮑雅堂吳穀人法時帆謝薌泉張船山趙
味辛小集寓齋

故人京國每相期秋雨門前著接羅客裏也酬瓜果節
老來難賦女牛詩鵲因尾濕頻捎榭蛩為聲寒漸偏墀
今夕天涯莫辭醉微雲河漢捲簾時

即席分賦弄化生

弄化生銀盤秋水浮蠟嬰咿咿啞啞笑語聲金風玉露
天有情添丁祝願傳私語雲錦新裁爭裹取隔河別淚

尚盈盈又把情絲纏去兒女未央宮中賈佩蘭長生殿
前楊玉環茫茫天上人間事駢女癡牛一例看造化小
兒弄搏土撮合陰陽成萬古恒河沙數是何因末劫雲
仍問初祖君不見七月七日王子喬緤山頂上坐相招
分明勸我修仙好哺出嬰兒戲九霄

新晴見月

宿雨洗新蛾嬋娟奈爾何碧雲秋思遠白露夜涼多笛
緊頽清影砧繁激素波關山尚戎馬愁絕不成歌

東雅堂

雨急驅殘暑雲遲賸薄陰
秋花容冷淡晚樹氣蕭森
為問潛郎意應知倦客心
如何坐孤悶隔巷少車音

與雅堂夜話而別即景口占一絕

水雲片片感魚鱗送客照前月
正新無限江南好秋色
憐君同是未歸人

與朱習之過崇效寺

午鐘纔打飯頭忙留客茶瓜也
共嘗閒向山門徵事狀
隔簾風送棗花香

舊名棗花寺

和劉石庵相國衆生壽者詩二首

七識無端轉末那。錯將恩怨屬閻羅。若論即佛根誰欠。
但恐非人趣更多。一劫沙蟲生滅否。六虛野馬滅增何。
業風不到菩提頂。萬點浮漚自息波。

袈裟不壞要人收。傳付曹溪記祖流。內院住來真悶悶。
空王過去太悠悠。暗塵最苦磨輒鏡。弱水猶勞造鐵舟。
磕睡禪和癡老漢。祇餘長睫蓋深眸。

連雨悶甚

窮巷深風雨。羈情不耐秋。更無書撥悶。那有酒澆愁。
陂水驕鼃黽。塗泥困馬牛。支離身世感。兀坐數更籌。

雅堂月夜見存

樹色影明河，纖雲卷碧羅。
故人如月好，薄宦得秋多。
情話莊兼謔，心聲嘯且歌。
相期無滓穢，留照舊山阿。

晚涼

晚涼薄醉易，普騰風觸低幃。
覺有稜月落四更殘，夢破
蟲聲如雨暗秋燈。

夜坐感懷

林影參差月轉廊，閒庭如水露浮光。
西風夜入蠨蛸塞，南國秋生蟋蟀堂。
撒箸為鱸思泖澱，附書無雁過衡湘。

幾回斷續東華夢枕上鐘聲到曉長

七月二十七日

恩賜葡萄恭紀

黃絹封題出尚方垂垂馬乳產西涼
貢隨首霜初通漢賜比櫻桃遠邁唐
瀛苑濃分仙掌露崧山竒泥帝臺漿
更教美釀傾三斗醉草平洮鼓吹章

二十九日

恩賜荔枝恭紀

海南珍果重榮施秘館分嘗拜

御墀碧嶠千林堪作貢紅塵一騎肯教馳譜成高下茶
同貴味徹中邊蜜更奇饒使詩翁誇飽啖承恩不是玉
堂時

偶見石君師和李松雲先生舊作有感於懷依韻
一首

無端減穀等亡羊不信蓬山有舊鄉自笑鷄鷄辭海窟
却知騏驎應天房老龐學佛依于頔醉簡應官擬葛疆
雙燕歸來春夢醒主人情重漫棲梁

雨後過雅堂寓留飲疊前韻作

驟聽風葉戰虛廊返照穿林逗夕光過卷不辭泥沒輟
入門猶見水周堂撥灰爆栗微黃坼帶露挑蔬脆碧湘
浮白搖紅紛底事新寒天氣夜初長

題雅堂漆園傲吏圖

吏道日卑諂汲汲事妄營偶逢澹蕩人被以簡傲名達
者豈違物內重乃外輕所以漆園叟觀化無虧成先生
得真契落落怡天情郎潛不為屈吏隱無所爭曰余早
辭祿婦子課農耕出山復草草既老趨承明從君結隣
住有酒時相傾載咏笠生詩函蓄歸和平更觀顧子畫

盤礴出縱橫嗒然忽自喪慕此幽人貞逐境感欣戚齊
物忘衰榮倘許莊惠知蟬蛻游虛清

八月初三日

恩賜梨恭紀

又傳 敕賜出明光來自陪都貢篚將豈有儒珍誇飮

座更非仙骨媿休糧

用李鄴侯
賜梨事

恩承寵問檀難比

每

名對屢蒙
垂詢先臣

功慕元修棗共嘗溫普並聞徵德產

溫普似
梨而小

為盛京
土產

朐山那復數吳鄉

雅堂見示和章深感厚意仍用前韻奉酬

君才弱冠照巖廊掩盡人間燭火光詩與烟濤吞北固

交從風月侍東堂謂梁文定師燕山桂馥將奉寶令子應秋試韓

氏花奇又見湘出示今姪詩文甚佳甫十三齡也如此琳瑯富家寶靈

椿老去興方長

初七日

中和殿侍班恭紀

御爐香起繞烟鬟玉殿詞臣曉侍班斜漢左臨迴北斗

連峰右抱倚西山齋明先格精虔意咫尺親瞻

睟穆顏曾記坡仙歌水調高寒身到九霄間

十一日

恩賜桃恭紀

綏山瓊實足豪誇催進林丞喜拜嘉玉井虛傳仙子宅

金城親見侍臣家

上林苑有金城桃

祇疑漢殿曾留核却笑元

都再看花曼倩不須愁索米療飢已得勝胡麻

同日

恩賜蘋果恭紀

楚江萍實破霜團內史來禽比似難清淨色香宜佛供
中和氣味醲儒酸酡顏帶暈霞偏聚玉液含膏露未乾

一自分甘榮史局佳名也許借文官

中秋待月寄懷

當頭此月一般圓西粵東吳我北燕千里陰晴縱難料
幾人形影自相憐渚宮浴殿詩篇續桂嶺楓江夢想懸
勤向老嫺乞靈藥飛空也逐結璘仙

久坐無月又成一絕

燭跋香殘睡尚遲滿庭風露夜闌時嬋娥不展團圓影
也為多情惜別離

那東甫中秋見贈端溪水月研作詩謝之

一規秋月蟾蜍形一泓秋水鸛鵒睛今夕何夕吐光怪
纖阿不肯當空行蓬萊仙人補天手墨池點滴濡蒼生
浮雲萬變不芥蒂炯然孤月心常明鰕生研田久荒落
惠好投我瓊瑤英託君石交感君意堅白留證他山盟

静厓詩續稿卷一

靜厓詩續稿卷二

鎮洋 汪學金 敬箴

古今體九十八首

庚申九月盡
辛酉四月

生日用坡公白髮蒼顏五十三句偶成一律

白髮蒼顏五十三無端出處兩懷慙
新坊典領春華謝
老圃歸休晚節甘
依樣葫蘆殊未了
隨身柳栗頗相堪
朝來準入西山去
且學安禪掃一龕

九月初三日約游西山會者十三人發慈悲院

班送日始旦

是日
陵同官齊集朝陽門外恭送

裕

迴車度城壕

斗覺朝爽來揮手如可招近郭問禪院石林相周遭羣
公踐宿諾門外輪蹄交山僧催客行絡繹經霜皋衝飈
忽淒厲涼沙振飛蒿蕩潏桑乾流水石轟怒塵濁波撼
危梁我馬暗難驕太行抱盧龍千里見脊尻芙蓉吹不
墮萬朶爭秋高

行四十里飯於栗園莊之奉福寺遂登羅睺嶺

闍黎劇好事揖客侯行李誰馳游山檄供帳自此始青
芻與白飯令我僕馬喜舍車易肩輿仄徑辨尺咫蛇行
首應尾魚貫頂及趾捷足爭猿猱閒心狎鹿豕沿緣陟

峯岑輾轉窮倏詭忽聞暝鐘催歸雲在中履泠泠木杪
泉臨厓洗塵耳

輿中和味辛韻

覓路崎嶇磬確間此身忽已在深山欲償游客三生債
先破禪公十日閒

晚至岫雲寺宿

即潭
松

岫雲已歸來空谷足音至疊石繚周垣徑轉見古寺禪
房竅而曲梯攀戒顛躋精舍八九楹几榻妥位置真香
茅嘉蔬雋味配法鼓山泉不出門庖湍用無匱是時哉

生魄微明隱松翠笑語頻忘疲信宿各隨寄苦吟擁寒
衾憲燈黯殘穗徹宵風雨驚黃葉四山墜

小病

一宿慳游福初禪嬈病魔膏肓本泉石腰腳謝松蘿雲
卧隨心遠天倪得養和開堂三百指誰任問維摩

同人談龍潭之勝余因病未往為述此詩

茲潭本海眼蜿蜒蟠靈湫不知何年宅乃竟先幽州

諺云

先有潭拓自從豎剎幢龍徙峰上頭百尺底深黑瀕洞

後有幽州不可求覆以太古藤枝葉紛交樛泉淙散萬壑細脉涓

涓流豁間露石室一坐五百秋尊師此說法巾拂誰與
酬虛空振遺響松竹風修修惜無雙羽翰頽頽鸞鶴儔
乞龍一勺水我疾庶可瘳

寄題少師庵

劫殺冤親業界非蒲團誤落箭鋒機崖龕留得袈裟影
難蓋人間一品衣

庵中道衍像蟒
玉加僧服於上

篋中龍子詞

蛻骨千年久化形佛家種子總通靈獻珠也是難陀女
蓮座攜聽般若經

日影深潭蔕露涼聞鐘頂禮上堂香結跏學得安禪法
不管須彌有鳥王

苦教典筐護錢神禁汝飛騰性未馴不是山僧閒不得
拳龍為有好龍人

妙嚴公主禮佛輒

相傳元世祖
女出家於此

大都貴主天人流優曇示現來閻浮椒塗榮華一屢棄
花宮清寂雙趺留珠璣寶珞親授記誓願宏深真法器
南岳磨輒般若機西方隻履菩提意一聲一拜祝慈恩
百千萬億忘朝昏恒河豈有量沙數初地空傳泐石痕

世界風輪陵谷變埋沒青苔人不見九蓮曠代契禪修
當年勅進慈寧院送歸鄭重覆龍綃欄匝盛來護寺寮
飛仙枉作凌波戲天女寧辭禮塔勞臺上吹簫渺何及
人間破鏡悲重合生身休託帝王家緣業難逃兒女劫
何如合掌讚名經踏破芒鞋謝幻形莫提長樂千秋字
請勒祇園萬古銘

化陽洞

洞天本有天地盡天乃見登探頗好奇細路爭一綫呀
然巖扉開丰蔭雜花絢我行足已疲客到目先眩雄猊

蹴穴蹲靈鼇戴山抃秉炬測深黝俛視莫敢先投之若
有聲其內走雷電似聞渾河流千里激飛箭元氣覆載
通浮雲古今變試問主者誰臨風發遐羨

登戒壇千佛閣

豎嶺橫峯十八盤行勝到此放眸寬竿幢拔地開琳閣
栝柏凌霄護石壇絕塞風迴聲漸緊危厓日薄影猶寒
遼金碑碣堪捫讀陳跡分明露電觀

戒壇古松歌

虛空寶蓋香花雲老松各現天龍身百尺千霄互擎撐

四垂匝地盤輪囷。一龍蛻骨霜皮古。歲月依稀記典午。
騰空忽化九螭蟠。神物開山作初祖。一龍屈曲枝倒垂。
裂石陰森漏秋雨。芝眉蓬髮綠連蜷。腰腹彭亨背偻僂。
就中一龍更奇絕。脉動筋搖通骨節。法音微妙證聲聞。
頂足摩抄鱗爪活。其餘羅列皆兒孫。交柯接葉同根原。
支離自得壽者相。茂悅終依慈氏恩。我來撫之毛髮動。
翠鬣蒼髯迴殊衆。永鎮山門佛有緣。獨超塵劫天所縱。
廊廟爭求梁棟材。山林已抱斧斤痛。閒從物外葆天年。
傲雪欺冰卧烟霏。青泥細劖覓苓龜。碧落狂呼控花鳳。

世上紛紛十八公。幾時喚醒紅埃夢。

圖裕軒曹慕堂兩先生祠

在戒壇

落葉不可掃。蕭條老屋寒山中。留俎豆。世外想衣冠。地本棲尊宿。人猶知宰官。似聞松際鶴。清嘯隔層巒。

下戒壇至奉福寺

百折千盤落翠重。穿林度澗苦支筇。游人剛下花欄砌。一路斜陽送客鐘。

皇姑寺

英皇復辟悔蒙塵。少保奇忠竟殺身。爛額焦頭功不賞。

君恩偏及徙薪人

歷游三山大悲香界諸刹

因山為寺一層層
捫葛梯蘿次第登
欲覓安心先禮佛
若論行脚總輸僧
凋顏老讓秋花色
瘦句奇爭古石棱
掃葉燒茶休歇去
蒲團也許睡瞢騰

寶珠洞

到此呼奇絕
天然好畫圖
爭飛雲外鳥
來覓洞中珠
霜壁青如削
風林翠不枯
石頭防路滑
鐵脚一筇扶

宿龍泉寺夜話和穀人韻

古寺空山夜風泉生靜歡禪心入寥泝人語破高寒此
會談何易吾儕退未難詠言不成寐片月下斜欄

玩月而寢次早時帆出示新篇因和其韻

藤蘿影空池幻現琉璃地仰視一弓月徘徊隔山翠神
淵孕寶珠半吐驪龍睡清寒濯毛髮懺我凡心媿琮琤
滴階泉似欲警沈寐幽夢了無痕忽悟一單寄惺忪觸
淨眼秋曉海棠醉

院落海棠
著花絕豔

龍泉寺曉起疊和前韻

千林變丹黃霜影不在地朝暾射西麓歷歷辨明翠我

來聽松風願飽十日睡但恐車馬喧貽此山靈媿妙哉
大覺心一珠照無寐芒鞋踏已穿燕坐亦可寄勿作出
山雲持觴勸龍醉

盧師山秘魔崖

山溝石破碎步步苦蹠蹠引手落鸛巢斗削太古鐵寒
潭瑩深碧中有蜿蜒穴昔聞二龍子親受尊師訣當空
一指禪刹那悟生滅龍來澗自清龍去井不竭側耳疑
風霆沃盥未敢褻瘦影落危崖叢蘆捲秋雪

慈壽寺觀九蓮菩薩像

八里莊邊偶停轡。閒立斜陽感興廢。就問青山野老家。
來尋黃葉前朝寺。寺前窄堵勢連雲。丹碧輝煌耀紫雲。
塔燈不夜千光界。海藏長春七寶文。寺中供養莊嚴像。
珠珞花鬘現殊相。四圍芝閣坐鸞鳳。九品蓮臺擁龍象。
神皇嗣服本沖齡。文母思齊頌掖庭。玉輦過宮初問寢。
金身示夢忽繙經。芬陀五色開波籊。長樂年年奉慈豫。
天子親稱菑苦觴。閣臣先獻芙蓉賦。慈聖敷天懿號崇。
法門清淨契禪宗。果成兜率生天位。勅寫菩提滿月容。
受釐錫羨承平事。繫兆龍縈誰省記。咸畹重刊閨範圖。

深宮已蝕宸題字。菩薩低眉可奈何。難將佛力制修羅。
黑灰莫問昆明劫。清淚空流渭水波。二百年來好絹素。
影堂長託伽藍護。即看圍繞散香花。却愁零落隨烟霧。
賴有緇流蓄意深。乞衰金粟表雙林。當年功德椒塗力。
此日因緣檀施心。

摩訶庵

國初諸老讌集之所舊有杏千株今無存者

當年羣屐事匆匆。衰草寒螢泣曉風。縱使春來游興在。
杏花無復一枝紅。

入阜成門口占

五日深山住回頭笑市寰今朝入城去却看眼中山

寄贈潭柘月朗長老

霜顛如老柘碧眼照秋潭落葉堆山澗跣趺不出龕

崇效寺僧送菊

昨夜碧山石今朝黃菊花每叨僧地主聊慰客天涯落
莫悲秋氣支離惜歲華東籬有佳色難忘舊根芽

蓮士少農招同吳數人侍讀張船山檢討姚春木
上舍集雙樹軒賞菊分韻得書字

寒花不媚秋意態各蕭疎誰知耐久情乃出澹寂餘客

從西山來霜風吹滿袂登堂酌美酒五斗一軒渠座有

焦尾琴聞者相欬歔

時春木失解

琴酒忽俱罷花前夢蘧蘧

晚香韓相圃真意陶公廬解人得花趣出處境一如惜
我故園徑荒蕺誰與耜花時不歸去數寄山中書

。題姚春木萬里圖叙述

二十四齡天下才三十二圖天下奇生平所歷叙述之
不以其畫以其詩圖既不復作詩亦不浪題飄然六合
識者誰側身西望江之湄江源發岷峨入海八千里舉
頭見白雲回頭思碧水白雲碧水兩悠悠 帝城春好

君少留右拍洪厓左浮邱釣竿笑拂珊瑚洲

味辛舍人招飲亦有生齋作展重陽之會即席得

詩因和其韻

好山到眼中層層翠屏展與君入山去步步石苔踐袖

出一卷詩相示輒稱善客裏過重陽差喜催租免殘菊

破霜靨餘興復不淺忽開說餅筵

是日以菊
花餅餉客

重數題糕

典持螯騷客來斫鱸厨孃辦古思發燕臺鄉心託吳巘

得酒那肯辭逢花且須遣休憎元亮貧勿謂伯倫酒坐

受北山移行待東門餞一笑謝春風歸歟吾事巖

咏菊花餅

隱士家風說餅堪，玉塵金縷更何慙。
名徵佳節宜牢九，味耐殘年待萸三。
寒嚼偏令顏色好，夕餐頗覺齒牙甘。
從今休記紅綾樣，恐被東籬作笑談。

九月廿五夜雪

九月燕山雪隨風，捲玉沙庭寒光訝。
鷄城曉忽催鴉天，地偏戎馬關河尚。
後車擁衾理殘夢，心事又梅花。
雪後同朱習之至永定門外僧舍。

朔風吹客出重闌，初日寒雲片片皴。
一路林丘難覓寺，

青人言系系
孤村烟雪未逢人黃塵眼底昏如海白草原頭慘不春
是日為掩
豁之會半晌茶禪了公案粥魚齋磬是何因

酬和劉澄齋同年

老不耽書也下幃授詩玉雪一庭霏廿年舊雨我猶在
幾輩晨星今漸稀秋水波生鷗未穩寒林葉盡鵲何依
劉郎莫問元都觀頭白看花計總非

寒夜感懷

黃葉風廊悄青燈雪屋深啼鳥雙闕影班馬九邊心歲
暮紛多感塵勞苦見侵緩觴和急柝併入夜沈沈

和徐守滄來同年九日登戲馬臺寄懷之作

千古賢豪到此來登高回首望燕臺
一丸風雪懷人字三策河渠濟世才
桑野棗林看露冕菜畦梅隴記銜杯
愁心欲寄黃樓笛芒碭雲寒撥未開

滄來見示重修漢王陵母墓碑刻寄題一律

逐鹿中原主擇臣劉興項蹶眼偏真
託孤他日惟丞相佐命當時有婦人
垓下虞兮知慨烈淮陰漂者識沈淪
從來巾幗多賢智更乞碑題楚水濱

十月朔得博兒粵西榜發信即和其寄詩韻

洞庭南去泛輕槎兩月江魚望已賒梅信殷勤逢使早

桂枝奇特報賓嘉

解首陽生年甫及冠梓林之秀也

君山吹笛今誰在

衡嶽題詩古所誇遙憶家園話寒夜多情送喜是燈花

石君師會戊辰年家子於邸第即席得句奉呈

五十三年鴻爪痕靈光無恙歸然存霓裳曲散成今古

喬木陰留到子孫行矣一麾宏建豎

時錢潤齋太守將之平陽任勉

旃再世重根原晚香老圃公常健記取年年泛菊樽

雅堂齋中分詠飲中八仙得崔宗之

昔賢誇美少今我憎醜老不知醉鄉中相逢更誰好醉

鄉雖云好促促傷懷抱風前玉樹枝秋霜忽枯槁華齡
未可留暮齒焉能保安得瑤池觴令人長壽孝顏如碧
桃花一飲千春小

題葛稚川移家圖

稚川閔世亂避地載妻子詭詞乞句漏迺就羅浮止羅
浮本福地卜居良有以夙根通大道實由恬智始學仙
覓丹砂上士所深鄙神化軼清虛何為事渣滓仙隱雖
不同厥趣匪殊軌試味山林言見抱朴子自序旨哉發元理鴻
冥天地間蟬蛻埃塏裏黃庭與參同道妙盡於此寄語

服食人勿為金石死

時帆屬題詩龕新篁白石圖用韓昌黎桃源圖韻

大雅不作心芒芒世人耳食宋與唐詩龕尊宿一棒喝
殷勤接引來開堂龕中天然兩侍者石丈竹孫列堂下
手摩其頂付囑之要汝記我絕妙辭朝吟清風暮明月
行住坐卧恒於斯我昔初謁維摩室徇西垂柳搖晴日
掃筆題君好畫圖

余初入詞館時帆以
西詩思圖屬題

過眼雲烟倍堪

惜十年一別笑空花江上愁心寄落霞積水潭邊已移
宅重尋城北徐公家

借住同年徐鏡秋
宅在鼓樓大街

先生之龕無定

所惟有此中人可語陳跡回頭總古今
蘧廬何物為賓主披卷相看轉憮然
皺性忽悟觀河年畫禪詩禪豈實相
只恐此意終難傳明朝惡客求漿饋
顛倒瓶罍休怪異時帆素不飲百篇斗酒恣淋漓
雪屋青燈就君寐寒雞五更喔喔鳴
擁衾高哦林鵲驚寒帷紙窗耿虛白
頓覺天地皆詩情眼底紛紛那復顧
白髮天涯感遲暮竹耶石耶知我真
煩君添寫龕中人

冬至

南郊禮成恭紀

子半 天閭誅蕩開寅清秩祀百僚陪三垣薄翳全消

際四字餘氛盡滌來春澤 默祈郊後雪冬陽暗轉地

中雷侍臣欲紀占雲瑞已覺東風管底回

是日寅正行禮天宇澄霽

微風從東而至

題唐六如小像

桃花輕薄是前身文采風流付劫塵偏煞畫圖留面目

癡情又誤買絲人

船山席上分賦銀魚得四絕句

喧闐亥市致丁沽珍重辛盤出丙腴枉煞詩人憐白小

幾曾放箸當園蔬

鶯脰湖邊老網師
斜風細雨萬銀絲
座中偏是江南客
愁見燈闌酒半時

蓬池斫鱸記
吾曾撇汝多年學
戒僧底事碧山焚
未得頭銜相對一條冰

封鮓休嗟蜀道難
春風馨膳詠陔蘭
洗手諳姑性
玉色柔荑一樣看

時迎養太夫人將至京
羹湯

題西望瑤池圖

崑崙倒流決瓠子
柏梁劫火夜半起
宮中忽來青鳥使

阿母一笑露虎齒靈風肅然甲帳啟稽首再拜賜芳醴
金門歲星飢欲死銅盤仙人落鉛水茂陵秋草碧烟靡
西望瑤池萬餘里

和船山韻

平生落落意難親傾倒詩人更酒人偃蹇青山心事在
崢嶸白髮歲華新老無燕玉空求煖春借唐花也當真
惱煞城鴉催客起深宵孤負翦燈頻

臘月十九日同人集芥室為坡仙設供和集中東
坡八首韻兼寄南中同學諸子

大化異鵬鷃庶植別芝蒿否亨不亂羣淺夫徒煩勞事
往天益見黑白焉可逃卓哉眉陽翁百世睎餘膏當時
苦謗傷得失真鴻毛再拜壽康爵仰止高山高

芋羹彷彿玉糝此味思所適生平一瓣香全家贄榛栗當
年鶴南飛雲書記親乞仙姝陋簪花變格勢超逸至今
驪領珠照我維摩室何時埃壙中蜩甲輕蛻出從公玉
局游欲請未敢必

十年卧衡門冬日暖炙背衰廢謝人事蹉跎遂逾艾微
書里閑來復接鵷鸞會勞生與佚老寓形隨大塊黽勉

存吾真四大皆可外識田苦難耘荆棘尚叢蒼終當學
灌園息機得自在持竿釣東溟笑取長鯨膾

誦詩論其世事蹟可悉數天生磨蝎宮多半坐言語晚
落黎母鄉意氣自颺舉金蓮照春夢轉瞬風飄縷負瓢
枕榔林笠屐力撐拄偶逢塔中仙感慨淚如雨蜀山黃
精苗惜未採歸宮羈宦誤天涯能不念鄉土吾當早投
劾引疾籲 恩許

海濱地磽瘠二頃行就荒得歸把犁鋤一飽詎可望甕
釐分中事吾命在彼蒼聞昔孟東野身困詩乃昌嘯歌

以自適卒歲聊相羊賢哉簞瓢子屢空常坐忘

瘦錢道機靜老楊雅材斷胡子質溫潤王郎性敦慤相
期松柏心歲寒鍊冰雹自我歸田園講塾時就學舅氏

老益壯一官走太岳

存塘舅氏宰岳陽三年矣

好善良所優政聲亦

聲聲豈不念嚶鳴淹留荷

殊渥山中寄書來却怪輪

生角

年年壽公日早梅發江村宛如松風亭縞衣笑窺垣良
辰懽未央勸侑攜童孫復茲京洛會剝啄聲喧門同志
六七八庶幾風雅存東錯列庖饌南烹佐盤飧投轄恣

酣酌翦燭供細論請孺玉雪詞什襲貽仍昆

和公東坡詩憶公黃州年當其釋耒嘆杖頭無餘錢遲
暮益潦倒竟虛陽羨田吾儕措大耳生涯守寒糴相從
文字飲抗跡追前賢典衣還買春莫惜沽十千

辛酉元旦試筆

開韶十日景暄佳達旦春聲徧六街衰朽汗青邀

乙覽吉祥虛白致辛齋

是日起祈
穀齋戒

萬方送喜占豐屢一

疏辭榮遂隱偕今歲乞漿應得酒江鄉安穩醉茅柴

初四日得家信酬和雪後寄懷韻

歲云暮矣積懷堆暗爇深宵蠟炬灰驟喜折梅衝雪至
遙吟飛絮待春回眼明煙翠微顰注手冷雲藍細意裁
此地臘霏虛盼信好憑新句一相催

初五日

賜柑恭紀

嘉實曾聞重建春分甘例賜尚方珍貢羅南國隨三

果

回部

傳記元宵先

去

一句私憶擘霜香濺手同欣承

露味沾脣酸寒自信家風在千樹應嗤納絹人

次韻寄懷戴可亭學使

憶送輶車出年光逐水流岱雲揚大旆燕雪徹茸裘宦
跡俄輕別歸心久熟籌長安多酒伴且署醉鄉侯
侍從東方朔飢愁粟一囊衰猶存意氣報已乏文章士
論歸山斗官程慎暑霜思君比春柳凍勒未成行

酬和韓旭亭丈用坡公雨後行菜韻見贈

宿德稟清粹高風太邱長君家小林屋惜未放輕槩欲
叩金庭書凡骨阻靈壤傾盖春明門覲止慰渴仰西山
理行勝益結松石想新年偶過從愧乏朋酒饗春盤薦
芳蔬節物遂吟賞朝來忽開緘玉局振遺響恰喜上元

雪花飛大于掌請賡南陔篇介祉祝綏養

題吳兼山上舍巴江送別圖

萬里橋頭酒一杯三巴峽口浪如雷錦城不比還家好

却聽啼鵲首重回

兼山尊人
殉難軍營

姚合

謂春木

吳筠絕妙辭海棠開後說相思而今重話巴

江雨又是西窓翦燭時

元夜邀雅堂步月

有月興不淺呼君共踏看春聲催漏曙夜色殢煙寒遠
思飛千里浮蹤繫一官東風將夢去流影落江湍

上元後一日雪雅堂招飲分韻得皓字

昨夜踏月游天街淨如掃峭寒撲歸袂冬烘笑頭腦衾
綈冷于鐵紙窓訝曙早啟戶攪飛花連陰布瓊島玉壺
誰買春比隣得鮑老素心無滓穢清言各傾倒霽魄露
輝輝濕煙浮浩浩三冬久盼澤烈風苦暘燥吁嗟生理
艱蒿目仰蒼昊豈知回斡功一夕轉枯槁况聞陝楚軍
賊壘已疾擣春農事畊作獲此豐年寶懽聲起畿輔憂
國慰華皓吾儕私自賀黃犢行可抱酣歌舞淋浪醉墨
寫潦草

雪後再和前韻却寄

落燈風裏碎瓊堆老眼看春念念灰自笑烹茶陶學士
却輸載酒賀方回編茶與我同標格鉛粉知君早別裁
潞水冰消新漲活枝頭百舌已頻催

擬於燕九節過穀人庶子寓先之以詩

呼晴雀舌為誰勞策蹇衝寒興尚豪羈跡且隨燕九會
醉懷欲與葛三鏐閒看坊字頭銜冷新點潮羹手法高
若許留髭兼卜夜酒星端合照宮袍

詠雙樹軒綠牡丹和胡西庚光祿韻為戴蓮士樞

侍作

姚魏叢中得氣溫
迎風茗翠已軒軒
茶禪過午參空色
蕉夢逢春記淺痕
豈有碧螺能寫態
若為青鳥解傳言
朝雲欲寄憑誰寄
花葉氤氲跡自存

霓裳第一詠瑤臺
倒挂青桐舞乍迴
薄暈奩間眉月影
斜縈窻罅鬢雲堆
沉香亭許端詳認
萼綠華隨示現來
却憶莎廳相掩映
幾行綈詔手初裁

社日韓旭亭招飲即席賦呈

管城濡首氣難驕
肯負多情折簡招

是日由書館赴飲

臘後舊

醅人又聚社前新水雪初消相逢白髮歡場劇一去青
衫別路遙味辛新除今歲韶光應倍惜提壺更勸醉花
朝

題旭亭西山圖卷

洗眼朝朝青玉環霜秋薦地露孱顏我來四百寺依舊
此會十三人等閒詩語誰能比東老旭亭自號畫圖應
不負西山隨翁行腳江南去未許龕僧笑客頑

出西直門

一渠新水活雙眸片片飛花撲酒樓我與春山同一笑

不知何處著閒愁

和石君師見示韻二首

大患元來為有身心空一笑謝根因手中茗帚先忘我
腰下葫蘆太纏人不起波瀾惟止水難辭焦爛是勞薪
花開花落尋常事萬古青山不斷春

休從歷劫認前身總是閻浮未了因四大打成一合相
三生悞盡再來人偶拈戲論鍼投芥難乞真傳火續薪
要看垂天鵬息翮海鷗浩蕩也嬉春

石君師屢示詩篇戲以禪語作答

纔辦抽身學懶殘又生饒舌說豐干飄流羅剎沈淪易
付囑者闍信受難無諍須從三昧得有爲當作六如觀
問師未喻安心旨漫道塵勞即涅槃

三月十五日陳乞 命下行有日矣再和前韻寄

家人

案頭喜捲亂書堆賸有田園意未灰稚子且驅秧馬去
老夫已棹酒船回及時茅屋殷勤補過夏蕉衫熨貼裁
依舊江鄉話桑苧枉勞郡檄太相催

趙味辛司馬以詩贈行次日會于穀人先生寓齋

因和其韻並示同席諸君

伐檀豈敢賦河干祇為衰羸報稱難表海試君掣鯨手
渡江問我釣魚竿酒中從事閒常醉花下先生老獨看
計日乞湖人又去謂穀人將離一倍惜春闌

出都述懷四首

十年戢影卧江潭

詒起承明病未堪漫附空羣徠

冀北休譏捷徑託終南

天心因篤難酬力歲祿加

廩益負慙勲最兒曹勤職業衰齡從此謝朝參

白頭弟子許升堂不得中行取狷狂此去甘為齊巨擘

石君師戲目
余為陳仲子
公存猶作魯靈光
退原綽綽殊難忍
守自
硜硜豈足臧
若果功成訪黃石
名山負笈敢相忘

天與山林養不材
觀空物我更何猜
了無恩怨花開謝
各有閒忙燕去來
肘後竒方凡草木
眼中陳跡幻樓臺
道人晏坐機心息
笑付雲龕一炷灰

無須料檢買山錢
賴有田廬守粥飴
聊與妻孥笑春夢
又隨父老話豐年
學成仙隱原同趣
悟透儒禪不異詮
努力加餐休念我
甕虀福分本天然

都門同好中多勸
余肉食故戲荅之

宿長新店

兩鼓 恩私感涕零
邯鄲休道夢全醒
蘆溝橋畔僧鐘曉
猶似東華枕上聽

送春

一路顛風絮亂飛
有情無賴惹征衣
行人底復天涯恨
却道春歸客亦歸

白溝河文信國祠

事去難填海
身存偏渡河
山川留正氣
風雨助悲歌
北地魂應返
西臺淚最多
祠前嗚咽水
流恨下滹沱

過趙北口

朝烟柳外收
瓦橋關路指南郵
昨來觸熱題詩處
盡紅埃照碧流

行泰山下

青嶽橫空騷馬頭
當年絕頂放雙眸
而今休問崇朝雨
一片歸雲去不留

青駝寺口號

青駝寺北石巔岼
大溜崖前路折盤
愁說官軍方轉戰
褒斜子午上天難

蒙陰旅次晚宿

青原言集卷二
一重流水一重沙山郭參差帶暮霞行盡綠陰村落見
到門先聽鳥呼茶

見新月

日暮青天捲片雲昏黃柳色黯斜曛沂州道上初三月
看到家時正十分

宿峒嵒驛寄懷滄來守

喜見江南驛青山戶外斜村香風起麥簷影月交花卧
守黃紬被歸人白鼻騮那堪今夜笛愁寄別情賒

渡黃河至清江浦登舟作

棟花風裏數歸程喜卸征鞍問渡行傍水閒鷗眠最穩
隨風退鷁過偏輕迎人淮上山依舊照我江南月有情
催趁晚潮掛帆去吳音已入櫓歌聲

秦郵舟次

一片晴暉甍社湖拍隄雙槳掠平蕪今宵準看揚州月
判解金魚換玉壺

穀人送行詩句云得歸生怕負銀鱗四月初十日
至瓜州始得鮓魚戲占一絕寄之

揚子津頭喚網師休教孤負送行詩鱸魚怎及鮓魚美

若待秋風已後時

靜厓詩續稿卷二